

NTŠHA SA MAFAHLENG A GAGO

Tekololeswa ya Molao wa Thekgo ya Mekgatlo ya Dipolitiki yeo e Emetšwego ka Mašeleng, wa bo 103 wa 1997

Taletšo ya go fa ditshwayatshwayo

Thekgo ya mašeleng ya mekgatlo ya dipolitiki yeo e emetšwego ka go lekgotlatheramelao la bosetšhaba le a diprofense e gona gomme e tla ka Molao wa Thekgo ya Mekgatlo ya Dipolitiki yeo e Emetšwego ka Mašeleng, wa bo 103 wa 1997.

Ka la 6 Mei 2017 Ngwako wa Bosetšhaba o tšere sephetho sa gore:

- go šoma ga mekgatlo ya dipolitiki ka phethagalo ke kokwane ya kgodišo ya temokrasi ya molaotheo go la Afrika Borwa, ebile gabotsebotse go bokgoni bja mekgatlo yeo gore e emele setšhaba; le
- mekgatlo ya dipolitiki e nyaka thekgo yeo e lekanetšego ya mašeleng gore e kgone go phethagatša mešomo ya yona le go godiša temokrasi, le gore mokgwa le ponagalo ya thekgo yeo ya mašeleng di bile bohlokwa go ya ka tshepho ya setšhaba ka tshepetšo ya sepolitiki.

Go ya ka seo se ngwadilwego ka godimo, Ngwako wa Bosetšhaba o hlomile Komiti ya nakwana gore e lebelediše Thekgo ya Mašeleng go Mekgatlo ya Dipolitiki ka mrero wa go nyakišiša thekgo ya mašeleng go mekgatlo ya dipolitiki yeo e emetšwego ka go lekgotlatheramolao la bosetšhaba le a diprofense ka Afrika Borwa. Go fihla mo, Komiti e swanetše go eleletša ka motlolo wa thekgo ya mašeleng a setšhaba le a phoraebete go mekgatlo ya dipolitiki. Go tlaleletša seo, go tla elwa hloko tumo le ditsela tšeo di kgonagalago tša tekodišišo ya mekgwa ka moka ya thekgo ya mašeleng a phoraebete (go akaretšwa dihlongwa tša peeletšo tšeo e lego tša mekgatlo ya dipolitiki). Komiti e ka re gape ya tsebatšha diphetošo go molao wo o šetšego o le gona.

Komiti e laletša setšhaba gore se fe ditshwayatshwayo ka moo Molao wa Thekgo ya Mekgatlo ya Dipolitiki yeo e Emetšwego ka Mašeleng o ka matlafatšwago ka gona gore go be le ponagalo ye kgolo ya phethagalo ya mokgwa woo mekgatlo ya dipolitiki e ka fiwago thekgo ya mašeleng ka gona go netefatša gore o šoma ka phethagalo. Se bohlokwahlokwa ke motlolo wa thekgo ya mašeleng a setšhaba le a phoraebete go mekgatlo ya dipolitiki, gape le tumo le ditsela tšeo di kgonagalago tša tekodišišo ya mekgwa ka moka ya thekgo ya mašeleng a phoraebete gammogo le dihlongwa tša peeletšo tšeo e lego tša mekgatlo ya dipolitiki.

Ditšhišinyo tšeo di ngwadilwego—go akaretšwa taetšo ya gago ya go tlo bolela ka molomo wa go ja bogobe ditheetšong tša setšhaba tšeo di beakanyeditšwego kgwedding ya Agostose — di swanetše go fihla pele ga Komiti pele ga 10h00 ka la 21 Julae 2017. Komiti e na le maatla a go laola gore ke mekgatlo/batho ka bonoši bafe bao e ka ba laletšago go tlo bolela ka molomo wa go ja bogobe.

Go hwetša tshedimošo ka Molao wa Thekgo ya Mekgatlo ya Dipolitiki yeo e Emetšwego ka Mašeleng, wa bo 103 wa 1997 gammogo le melawana ya gona o ka etela websaete ya www.parliament.gov.za ebile khophi e ka kgopelwa go Mongwaledi wa rena wa Komiti (bona ditaba ka botlalo ka tlase).

Dinyakišišo le ditšhišinyo tšeo di ngwadilwego di swanetše go lebišwa go Cindy Balie, Committee Secretary: ad hoc Committee on the Funding of Political Parties, 3rd Floor, 90 Plein Street, Cape Town 8000, goba cbalie@parliament.gov.za, goba fekese: 086 665 5444. Gape o ka ikopanya le Komiti go 021 403 3667 goba go 083 709 8444.

Taletšo e tla ka Modulasetulo wa Komiti ya Nakwana ya Thekgo ya Mekgatlo ya Dipolitiki ka Mašeleng, Mna VG Smith, MP.